

古田縣志卷之六

城市志

城堡 街市

古田建縣於唐之開元歷宋代而治所凡再遷固有縣而無城也至明宏治始奉朝命為城而草創之初規模猶甚簡陋亦越明季迄有清以至民國前後增拓修葺者不下十餘次卑者崇之圯者復之數百年間予厥攸居民生以又則前人之功為不可沒矣茲編序列前後修城各紀述所以示不忘也由城而及於堡由堡而及於街巷市廛皆一一備載蓋城堡所以資捍衛街市所以通有無亦足見衛養之道之悉在乎是耳纂城市志

城堡

古田縣志

卷之六

城市志

縣城創於明宏治十五年西北跨山東南瀕溪廣袤七里高一丈

七尺基厚一丈周迴一千三百丈有奇為門四曰東門舊名萬安後改為澄清嗣又名

曰西門舊名永豐曰南門舊名迎恩後改太和曰北門舊名望闕後改節鎮為水門五曰較場門舊名威武

曰二保門舊名金井曰三保門舊名朝陽曰四保門舊名玉灘曰五保門舊名觀瀾後改龍門為砲臺

六

舊志載古田之設縣在唐開元二十八年而縣之有城則自明

宏治十五年始蓋自元正統己巳間沙縣魁寇鄧茂七之亂躡

及吾邑繼則天順癸未間復有陳亮五之變俱以守禦無資輒

遭蹂躪至是邑人林堪詣闕請築城時邑人羅榮適為尚書郎

相與協力乃得請事下巡按御史陸備檄永福令姚禎董其役

及工興而姚以事去邑令蕭謙繼之前後五載功始竣計成城周迴一千三百丈有奇廣袤凡七里高一丈七尺基厚一丈為門四東曰萬安西曰永豐南曰迎恩北曰望闕傍溪水關五曰威武曰金井曰朝陽曰玉灘曰觀瀾此當日建城之始也

明邑人羅榮築城記

八閩牛女分野揚州之域秦漢置郡始麗中州吾邑依於萬山中東聯羅源西濱南

奇民嚮末作勤生於田因地卑高而坳隆雖崇鬱登嶺泉可引甃盈尺不遺此邑所由名也惟地衍田廣又林箐蒙密隣封流轉之民於是為歸逋逃不逞者亦問厠焉正統己巳四方多故沙縣魁寇鄧茂七乘亂搆煽旬月徒醜數萬吾邑素鮮兵禍

又世界承平所謂金革什伍無先具以應卒而排柵圍塹之類亦闕於繕治士女倉皇欲奔省府則途為阻水舟楫斷絕不可到率望巖嶠之壞墟墓之穴率頭竄伏豺虎蛇虺不暇恤也稚弱號啼輒棄去或塞其口而絕賊長驅入境據縣處分徒大掠

未無所獲民慮焚燔殆盡逾年漸次殄滅遺氓稍出饑寒困頓之後暴死於疫越十五年為天順癸未有陳亮五者孽其惡圖巷傷弓相訛訛至一月十數警越三時乃寔生聚廿年粗成里舊故老談及亂雖有泣然出涕者宏治初政屢詔被兵所在亟

修城池有司無良而百姓好佚間有仗義傲儻又苦無佐者以翼其成歲月翫愒而已歲己酉予隨計使上江浙涉淮泗歷齊魯入京帥凡經名邦大府皆嚴城守十室之邑未有弗慎於暴客之防者乃作而勸曰衛民弭亂固如是夫因懷桑梓以窮陬

盜藪顧無難之疑以為棲負明詔何如哉既而邑人林堪至質愚言為然遂即懇疏於朝事下兵工二部時御史四明陸君稱按閩廉恤民隱親蒞相度檄永福知縣歸安姚禎來董是役邑治東隅隔大溪民居跨其上必用毀折一二十武而巨家右

古田縣志

卷之六

城市志

二

姓多層樓傑閣開戶迎曦臨流眺遠為光景習居重廢不能樂從姚君乃奮曰吾先為其難者決策下令肇工於東隅即日率吏兵循溪督視而折卸者恐後歷兩月基成疊石加甃工登大半姚以事去又越三年城乃成凡周圍長一千三百丈趾闊一

丈堵石三尺磚一丈女牆四尺凡高一丈七尺工料費白金一萬一百八十七兩先是鄉民出財力怨謗如沸宏治辛酉白水寇至殺防兵逼邑治以城粗立不敢入官軍至乃殲焉正德庚午山寇大作揭旗伐鼓呼噪繞村逢人捉殺四鄉男女摩肩入

城賊自東瞰守望有備乃去至是怨者始釋易誘為頭矣予聞古之制內王都外侯國咸著雉堵高廣之式周官掌固易傳設險春秋凡城必畫修治以時王政所首蓋人萃則乖乖則亂弭亂必有為之所者今茲高城深池上下完固旗幟鈴柝警備匪

懈郊垌之外山谷之間生齒百萬倚是為安夫以數千百年之闕卒就於今是固聖朝君相在上保邦顧遠又有賢大夫以襄成之或有數焉耳若榮何力於其間哉然興化之大無過是役不可無述輒識歲月顛末於左使知剏作之意而修治圯墮不

能無望於後賢云

嘉靖中邑令陳翀因有倭警建敵樓於西北隅

嘉靖辛酉邑令王所重修計修城堞一千六百餘增高城垣三尺

修窩舖五十有七敵樓一

明邑令王所增城記

嘉靖己未十月予奉命來知古田時聞土有南倭西盜之警羽檄交馳饑饉僅薦君子視生民之靡底誠不能一日苟安於其位也予至之明日進父老諮緩急焉皆對曰古

田雖萬山之采阻實上下之咽喉路通九縣界連三府往歲坑徒啓釁民咸病之近者倭奴取道福甯亦經城下是誠不可以無備也且城池之陋甚矣昔葉山羅公之創此也重於勞民僅足防患而止今則非其時矣盜智日狡民心日漓卑者易踰顏

者易圯是誠不可不備也惟時誦舉或懼弗逮向讓上司軫念業有修濬之議然弊財限事十未及一即於敵樓所計十金而盈百不孰他可知矣故當事者難之予應之曰是何難哉財用之出止有二者非在官則在民而已彼疑而難之者不究乎利害之源不協乎公平之道故也方今之時其在官者誦矣然藏富於民其理一也太平之盜所志金帛與攻略地之雄殊科仗邑饑富民彼不來矣是富者寇之媒也然則城郭溝池之固所宜為富者守也亦即諸其人己耳予欲使汝一勞而永逸少損而大益汝則何如衆皆曰唯唯予於是籍其城中之富者而三等之計其城梁與富鋪之不足者而分任之上者爲梁二十六中者十五下者八梁而富鋪亦等下戶二人之數訪諸坊里耆老參諸士夫學校僉謂曰平然後白於捕府旋齋孫翁席翁寵靈條陳而請於院可之次於司道司道可之次於本府本府又可之迺以己未臘月念九日載工自讓三尹龍泉王公克竣舉告成功焉凡爲城梁者一千六百有奇數并舊十之三高增舊十之三爲富鋪者五十有七爲敵樓者一爲外境隘樓者六舊所未備咸創爲之費不出公令不病民皆旋翁之所裁定庶民之所子來者也予嘗聞之秦隋築城之役本以衛國而土工未卒衆怨心離盤庚遷殷爲民遠患而再三申命不遺有居今茲役也刻日計成再慶再舉不可謂不勞矣行之荒歲寸土卷石皆民膏脂不可謂不苦矣而民皆樂趨無辭免者予何以得此於民哉傳曰未有上好仁而下不好義者也未有好義其事不終者也願予涼德且丁初任奚以仁民然愛之以至情所以生之也任之以至勞所以安之也處之以孟等所以同之也則皆仁之屬也而又上耕旋翁之撫綏下賴龍泉之鼓舞故民之油然而興起於義以終其事者宜也況斯地延平之澤紫陽之教在焉其民之易感而化之易行也獨異於他邑由此而繼二先生以益明其仁義之道則古田皆比戶可封之俗將偃息談笑而却敵勝難者矣又何成隘之有哉是役也舉其所成則旋翁之經劃龍泉之勤勞者民朱會奇會天賦之樂義皆九功之德所宜歌者原其所自則文學黎君永清蔡君宗湖于君介所以繼二先生之後而大闡其教化者有在也予何力之有而可不重爲之表章乎因記其顛末刻之於石志不忘焉雖然予豈敢冀夫斯民之不忘於予乎抑亦以志予之不敢忘夫斯

異耳

古田縣志

卷之六

城市志

三

萬曆中邑令劉曰陽重修計修城門九建敵臺十城堡六十七改東門萬安曰澄清額其樓曰旣濟改南門迎恩曰太和額其樓曰文治改北門望闕曰節鎮額其樓曰鎖鑰西門永豐則仍舊稱額其樓曰靖武而城北跨山縣龍入脉之處舊有樓曰望遠至是改爲太平額其上曰天關雄鎮改五保之觀瀾門爲青黎閣名其內曰龍門額其外曰煥文其費皆出於募捐嗣後歲久漸有損壞邑令王繼祀復修葺一次云

晉江楊道賓青黎閣記

古田界在山谷間久席承平城垣不爲飭募寅劉侯來令是邑計先綢繆崇其雉

之靈隱弗靡耶相度縣宇之東臨溪而城者舊有五保門西則學宮在焉門故有樓而隘蔽於民居改徙數十武則與營宮相掩映爲青龍管角之象瞻其見能及此即及此矚悉心而力任之劉侯熟察形勝改城闔以當周道於縣宇爲左翼更其名曰龍門蓋取左青龍之義云仍闢樓址宏開奇構連櫺鏤棟丹牖朱題峨峨奔奔扁其上爲青黎閣意太乙之精歆茲靈秀恍然來游真問用宜神秘復在閣右豎一巍旗上繪螭龍朔望張懸以招扶輿清淑之氣候公暇或聯賓從樂諮詢或率青衿子弟

爲文藝之會意肫肫厚也余友林君君實與侯之丞李帶泉君舊結社萍水間及李以選貢授其官志有所不屑思歸其家聲侯心重之故君實得從侯龍門游寓目閣中之勝適不佞道實以留篆之役便道過里寄徑水口值君實策蹇來刺刺述侯折節事愧莫登高作賦以揚令德徵余言記之往借劉侯之季雲嶠君簪筆奉承明味若芝蘭聞其伯子循良聲雷無沾沾喜夫爲政祗勵冰蘗獵神君之譽則於踔幹敏能之至學通彙與麟探元微窺見於鬼神不能爲力之先幹旋於人事無可奈何之後舉而行若迂若緩實貽千百之休其談說若涉若茫而陰奏基隆之饋則未可易言之也劉侯治占田砥之張之弛之靡不獨至若填斷河以延玉山之龍脈毀水確以導溪流之安瀾遂令其穫穰穰其俗濯濯上恬下熙而聽視新設他日斯已奇矣龍門之關青黎閣之建財不糜公力不動衆迎祥提福於意尤加切焉噫嘻劉更生後書天祿夜分數語千載其作其事修爲美談侯實卯金之苗裔也青黎老人鑒厥世德修文闡發祥光翼諸僑彥必有翩翩遊於著作之庭以副侯悃悃神人之意書用記其概以俟將來劉侯諱曰陽豫章人李丞諱允若高涼人林君實諱春華連江人觀斯成者簿黎君諱與南海人尉何君宗道鄞縣人併得書

天啓甲子邑令吳柔思與邑紳余文龍募捐重修計費銀一千一百六十九兩零

邑人余文龍修城記

玉田舊無城也居民皆依山跨河素苦盜宏治初邑人有林堪者仗義任俠以布衣詣闕請建築時先達方伯葉中羅公榮任工部尚書郎就中幹旋始得旨至五年乃獲告成後值白水山寇作亂偵敵有備始遁去嘉靖辛酉倭薄城下五日以城壕堅固獲守官兵至始解圍焉城之所繫甚重矣嗣後因循日傾月圯歲不同間或隨壞隨補要不過塗飾耳目苟且了事而止浸淫至於今日十已去其七八矣當事者率泄視之邑士民亦無能泄興義舉以踵堪趾者暨天啓癸亥春吳侯甫下車首爲勸念值凶荒告急盜賊蠢起侯日夜焦急思網繆學畫籌帑金以爲修理之舉而上不可計畫無復之耳時不佞文龍以在告歸里侯遣予購曰先生日者言擊賊里荒饑之

古田縣志

卷之六

城市志

五

狀當先發粟數百石賑施民饑民已尸而祝之惟是城郭頽頽尤稱喫緊公得無意乎文龍跪而起曰微侯言予固已心恫矣矧命及之收愛膚髮於是鳩聚殷實好義者商榷議助樂輸各隨家資以爲蓋等而貧寒者不與焉數日內計得千有餘金侯實捐俸一百兩以爲先倡凡出納之數僉舉太學生鄭文卿監理之侯不親也又擇最殷有才幹者五十餘人分土砌築凡磚灰材料價值及匠工人夫工食悉照民間時估給與數里之內春杵相望各衙門分界督察侯每日身先勞來文龍亦時時相追隨料理以故道無怨聲功成數月新砌比舊逾倍堅聳焉是役也經始於癸亥之六月告竣於甲子之三月計築過全圯城二百三十四丈六尺修過半圯城三百五十三丈九尺腰城戰築三百四十五架城上砌面馬道一百六十丈城裏壘圯馬道二百三十一丈一尺城外幫馬道二百四十二丈八尺見遠敵樓一座青藜閣城外樓共九座城鋪壘十六所其實用工料銀一千一百六十九兩一錢五分費甚約而工甚堅私不擾而公不損百雉巍然允稱雄峙異日即有白水倭奴踏行將望皋門而喙突耳侯之功德固有難名而各衙官之潔已奉公邑父老之效勞慕義均不可以無記若文龍因人成事碌碌無能竊附於庶民子來之誼以樂觀厥成云爾侯諱柔思字徽止直隸宜興人壬戌進士丞林諱起鸞廣東海康人歲貢簿宗諱殷禮直隸武進人尉錢諱仁望浙江山陰人

康熙四十年邑令陳瓚重修

當時修葺若干丈并費工料銀若干已無可考惟舊志載修城時清端公躬督其役盛暑坐烈日中不張蓋與民同勞苦民有鑄工者蔬食菜羹公

爲之一飽或以燾肉進則却之嘗值工作小憩時親於二保城隅手自砌磚數塊嗣後城堞疊經風雨損壞惟公所砌之磚歷久獨完亦一異云

乾隆元年邑令劉之麟奉文飭修通勘圯塌新舊內外馬道七十

五丈城垣三十七丈至五年五月興工歷八年十一月邑令李

基鉉任內始竣工

嘉慶二十二年邑令龔懋諭修東城門樓改其名曰禹門樓曰躍
鯉及道光十三年樓燬於火邑令宋炳垣率紳士張品亨等勸
募重修

道光二十六年邑令周培同紳重修計修沿溪石堤五百三十餘
丈

光緒二十年邑令汪育陽同邑紳翁廷玉徐應麒等募捐重修計
修坍塌城垣七百零六丈內外馬道二百六十四丈九尺沿溪
堤岸一百二十三丈八尺水門五座城門二座炮臺六座共費
工料銀七千一百九十六員至二十四年閏三月竣工

古田縣志

卷之六

城市志

六

二十八年黃縣長澄淵將跨香山與金江山間城垣拆除一段移
其材料充建築國防工事

土堡及碉堡原以防衛地方民國以前各村間有建設近年匪禍
蔓延又因國家多故各鄉民衆有自動建築或奉政府明令建
築星羅棋布幾於沿村皆有不勝枚舉茲依舊志所載並採訪
有年代可考及建築方圍丈數者照錄於左

附近北關房院頭及劍溪里巖頭頂碉堡係民國二十二年閏變
之役十九軍建築

大東鄉

杉洋土城創於明宏治間北跨山南瀕溪周圍七百餘丈高一丈

五尺基厚一丈俱砌以石城下馬道內外各二弓東西南北門

四又便農門三炮臺五座清咸豐八年里人余忠國募捐重修

邑人曾光斗修城記

藍田隸玉邑之東遍地多杉木又名杉洋西離縣城一百二十里南至羅源一百五十里東至甯德一百一十里北至屏南一百六十里周圍二百餘里林箐蒙密僻在萬山

中宋元間設官防而已未有城也城之築防於前明宏治間城內廣袤三里高一丈五尺厚一丈週七百丈有奇城下馬道內外各二弓城門三曰西門曰南門曰北門又便農門四曰大東曰小東小西曰洋中城上有樓置炮臺五座城下護以女牆離

城數里復設民隘東山隘聯壁隘鬚眉隘擊柝相聞遠近互相聯絡當日所以詰奸隱緝逋逃者杜漸防微可謂法良而意深矣閱時既久日傾月圯歷歲不同浸淫至於今日十已去其八九矣鄉人欲踵其舊而修葺之苦於工力之重大屢議不果咸

豐紀元以後大江南北四方釋騷崗之上下游亦相繼蠢動洎戊午歲逆匪竄閩蔓延邵汀延建等郡寇氛孔迫一日之聞警報數至因之饑饉薦臻奸宄皆欲乘機竊發人心驚惶寢不安席惟時大憲檄飭邑侯諭示防堵關隘適里人忠國余君由甯

旋梓以平糶編中身其事而尤以修城為急務首倡義舉當即呈請就地勸捐藉資經費鳩同急公好義諸君潔己任勞出入勾稽毫無染指饑民之艱食者荷春鍾連土石皆得以食力沾潤為事畜計故歡心洽而成功速不待曠日持久而三百餘年

之遺址煥然一新矣夫周易詳設險周官重寧固春秋凡城必葺修治以時古人所以思患豫防意深且遠也吾邑路通九縣界連三郡實上下之咽喉而藍田尤為輻輳重地今茲行言雖屬保固一方容與省垣全局大有關係匪但縣治無東顧

之憂也既而歲事都人士徵言記之余忝屬梓誼既慕其鄰之士庶質直好義衆志可恃成城而尤深喜其起廢更新足固吾弭圍亂之道莫大於是余謹載筆而述其事是役也經始於咸豐八年五月十二日落成於九年六月六日改其西門為過化

門改其南門為仁壽門改其北門為天一門大東改為象峯門小東改為拱壁門小西改為真武門洋中改為凝望門董其成者余君忠國領事督造助資其襄盛舉者其名另泐石並志不朽云

古田縣志

卷之六

城市志

六

小東鄉

仕坂土堡明萬歷間里人鄭良玉建周圍二百餘丈高一丈五尺

基厚三尺為門四築土為之清咸豐三年修光緒二十一年重

修

中村土堡上堡清乾隆間建廣十丈袤二十丈下堡清嘉慶元年

建廣十三丈袤十九丈築土為之

西鄉

永洋土堡清咸豐間建廣袤各十丈有奇築土為之

七保鄭家堡清乾隆間鄭世義建廣二十二丈袤三十六丈厚六

尺築土為之

下洋村土堡今圯

汝洋土堡清咸豐十三年廖振山建築土爲之

三保寨土堡清乾隆間建廣七丈袤二十丈築土爲之光緒十年復行修理

松台土堡多所均係民國間建築

街市

城內

大街自一保起抵五保 中街自油巷口起抵窗前街止
後街自二保起抵涼亭下

東門巷街自一保直街橫抵東門兜

東門外城邊街自東門外抵較場坪

古田縣志

卷之六

城市志

七

北關外原無街市自民國廿七年古甌古谷汽俾設此熙來攘往商民因亦就此各設市廛焉

三保大街曾被回祿一次嗣經收復成市民國廿九年復遭火災現均在於草築以資貿易

府管口街自三保涼亭下橫抵東岳廟卽今中山紀念堂

十字街自五保后河抵榕模兜

西門街自十字街橫抵西門兜

上市橫街由北門抵較場門下市橫街自南門抵勸農橋

民國廿九年三月間邑令黃澄淵以城內各街道湫隘不堪先就府管口後街中街窗前街東門巷較場坪各段傳諭各住戶應將

臨街店櫃石階一律縮入寬敞遂視昔有加焉

附城內各巷

各巷名稱今昔殊異且有地址變更難以稽訪者茲略就舊志所載姑錄於此亦存舊意也

後林巷

東通大街西抵水松坑

趙家巷

西出大街北抵城

萬安巷

東通城西至街 (以上皆一保)

文興巷

東通城西至後街及後林巷

方厝巷

東通水門西抵大街及後街至郭厝園巷至普濟井

莊家巷

直至郭厝園邊曲至普濟井

金井巷

東通城西通街出後街

張厝巷

東通大街西抵后田 (以上二保)

蔡舍巷

東通水門西抵大街

油巷

東通大街西抵吉祥寺

湯舍巷

東至街西抵中街出雲梯坊至後林巷 (以上三保)

長橋巷

東通城西抵大街

丁厝巷

東通玉灘門西抵中街

中街后巷

縣后巷

南從煥文門轉縣旁至學後街西至迎仙橋往后河路

慈濟新宮巷

南從迎仙橋北轉陳魏屋邊巷出三保後街 (以上俱四保)

古田縣志

卷之六

城市志

八

分司巷

東通大街西抵按安察分司往後河舊路

石平巷

東通石平橋後橋圮廢為民居抵巷尾有井

雙塔巷

巷口有雙塔東通大街西抵後河

朱舍巷

東通城西至大街舊有水門後寨

後莊巷

東出后河北抵城 (以上俱五保)

大東鄉

杉洋村市

中有仁政街十字街龍潭街等街

益竹村市

中有花橋頭街

嶺裏村市

中有嶺裏大街

鶴塘村市

中有棋子坪街

西洋村市

中有馬坂街后崗街

卓洋村市

中有上街下街

小東鄉

巷頭坪村市

中有大街

大橋頭村市

中有直街橫街

西鄉

灣口村市

中有大街

谷口村市

有大街

黃田村市

有大街

三都口村市

有大街
以上四處均沿江為上下游船舶交通故市肆較盛

下雙坑村市

羅峯村市

古田縣志

卷之六

城市志

九

高路橋市

鳳埔村市

七保村市

羅華村市

局下村市

南鄉水口背山面水中有直大街高場面街為閩北交通孔道
商務繁盛乃邑之要口惟街道崎嶇半為石磴民國十一年駐
軍營長張毅紳士吳紹澄等募捐將街頭舖起至茶關止舊路
剷平改築石灰馬路廿五年駐軍團長黃蘇區長陳可興等復
募捐由高場面街白馬王廟前起續築石灰馬路接至街頭舖

取得聯絡全綫計一公里強市容改觀行旅稱便

北鄉

平湖市

中有大街

高攀橋市

有東西兩街

古田縣志

卷之六

城市志

十